



Broj: A-III-45/21-V
Sarajevo, 07.12.2021. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 64. stav (1) tačka b), člana 70., 88., 89. i 98. stav (5) Zakona o javnim nabavkama („Službeni glasnik BiH”, broj 39/14) – u daljem tekstu: ZJN, člana 6., 37. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/19 od 26.07.2019. godine, te preporuke Komisije za provođenje postupka javne nabavke usluga „Kolektivno osiguranje uposlenika Kantonalnog tužilaštva Kantona Sarajevo”, date u Zapisniku broj: A-III-45/21-IV od 06.12.2021. godine, Glavna kantonalna tužiteljica donosi:

O D L U K U

**o izboru najpovoljnijeg ponuđača i dodjeli ugovora za nabavku usluga
„Kolektivno osiguranje uposlenika Kantonalnog tužilaštva Kantona Sarajevo”**

I

Prihvata se preporuka Komisije za javne nabavke i Ugovor za javnu nabavku usluga „Kolektivno osiguranje uposlenika Kantonalnog tužilaštva Kantona Sarajevo”, dodjeljuje se **“UNIQA OSIGURANJE” DD SARAJEVO, ul. Obala Kulina bana 19, Sarajevo**, prema ponudi broj: 20211123-0016-000151, sa ukupnom cijenom u iznosu od **6.888,88 KM bez PDV-a**, kao najpovoljnijem ponuđaču.

II

Nakon isteka roka od 10 dana, sa izabranim ponuđačem zaključit će se Ugovor u trajanju od jedne godine dana, počev od 01.01.2022. do 31.12.2022. godine, kojim će se regulisati međusobna prava i obaveze vezano za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) ZJN i člana 37. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/19.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Na osnovu Odluke o pokretanju postupka javne nabavke broj: A-III-45/21 od 25.10.2021. godine i Obavještenja o nabavci broj: 274-7-2-110-3-7/21 od 09.11.2021. godine, objavljenog na Portalu javnih nabavki, pokrenut je postupak javne nabavke usluga: „**Kolektivno osiguranje uposlenika Kantonalnog tužilaštva Kantona Sarajevo**”, procijenjene vrijednosti 9.000,00 KM bez PDV-a, putem Konkurentskog zahtjeva za dostavljanje ponuda. Ugovorni organ je predvidio sklapanje Ugovora na period do jedne (1) godine, i to za period od 01.01.2022. do 31.12.2022. godine

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Za predmetnu nabavku, tekst tenderske dokumentacije Konkurentskog zahtjeva ponuđači su mogli preuzeti samo putem Portala javnih nabavki. Ugovorni organ je u skladu sa članom 88. stav (1) ZJN, uputio poziv za preuzimanje tenderske dokumentacije s Portala javnih nabavki na adresu 3 (tri) ponuđača. Zahtjeva za pojašnjenje tenderske dokumentacije nije bilo.

Rok za prijem ponuda bio je 24.11.2021. godine do 10:30 sati. Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 od 26.02.2020. godine (u daljem tekstu Komisija), je dana 24.11.2021. godine u 10:45 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, koji je dostavljen svim ponuđačima koji su učestvovali u postupku u zakonskom roku.

Nakon otvaranja ponuda, Komisija je izvršila je pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-45/21-IV od 06.12.2021. godine, koji je sastavni dio ove Odluke, i u kome je konstatovala sljedeće:

U ostavljenom roku, blagovremeno je pristiglo pet (5) ponuda.

Pregledom i analizom dostavljene dokumentacije svih ponuđača, Komisija je utvrdila da su sve dostavljene ponude blagovremene, te da su ponude ponuđača „**UNIQA OSIGURANJE**” d.d. Sarajevo, „**CENTRAL OSIGURANJE**” d.d. Sarajevo, „**ASA OSIGURANJE**” d.d. Sarajevo, „**WIENER OSIGURANJE VIENNA INSURANCE GROUP**” a.d. Banja Luka i „**SARAJEVO OSIGURANJE**” d.d. Sarajevo prihvatljive prema obliku, sadržaju, potpunosti i sposobnosti obavljanja profesionalne sposobnosti.

Komisija je daljom analizom prihvatljivih ponuda, u pogledu traženih i dostavljenih dokumenta, na osnovu kojih se utvrđuje postoje li razlozi isključenja ponuđača – obavezni uslovi za kvalifikaciju, izvršila uvid u ponude u pogledu zadovoljavanja tehničkih uslova vezanih za predmet nabavke, zahtijevanih u tehničkoj specifikaciji, tačka 2.1. Tenderske dokumentacije Konkurentskog zahtjeva i utvrdila da su sve ponude prihvatljive, odnosno da su iste u skladu sa tehničkom specifikacijom.

Polazeći od gore navedenih konstatacija i činjenice da su sve blagovremeno pristigle ponude prihvatljive za ugovorni organ, s obzirom da ispunjavaju uslove iz tenderske dokumentacije Konkurentskog zahtjeva, Komisija je pristupila vrednovanju prihvatljivih ponuda, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih ponuda za nabavku usluga „**Kolektivno osiguranje uposlenika Kantonalnog tužilaštva Kantona Sarajevo**“, prije održavanja e-aukcije je sljedeća:

R.B.	Naziv ponuđača	Vrijednost ponude bez PDV-a (KM)
1.	„ UNIQA OSIGURANJE ” d.d. Sarajevo, broj ponude: 20211123-0016-000151	8.294,40 KM

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosudje.ba

2.	"WIENER OSIGURANJE VIENNA INSURANCE GROUP" a.d. Banja Luka, broj ponude: 001-22150/21	8.908,80 KM
3.	"SARAJEVO OSIGURANJE" d.d. Sarajevo, broj ponude: 01-5201/21	8.985,60 KM
4.	"ASA OSIGURANJE" d.d. Sarajevo, broj ponude: I-18952/21	9.004,80 KM
5.	"CENTRAL OSIGURANJE" d.d. Sarajevo, broj ponude: 001-1-2771/21	9.331,20 KM

Komisija je nastavila sa radom dana 06.12.2021. godine, za kada je E-aukcija zakazana sa početkom u 11:00:00 sati i trajala je do 11:36:00 sati.

Shodno izvještaju o toku i završetku E-aukcije, kreiranog od strane AJN, rang lista prihvatljivih ponuda nakon e-aukcije je:

R.B.	Naziv ponuđača	Vrijednost ponude bez PDV-a (KM)
1.	"UNIQA OSIGURANJE" d.d. Sarajevo, broj ponude: 20211123-0016-000151	6.888,88 KM
2.	"SARAJEVO OSIGURANJE" d.d. Sarajevo, broj ponude: 01-5201/21	6.936,15 KM
3.	"WIENER OSIGURANJE VIENNA INSURANCE GROUP" a.d. Banja Luka, broj ponude: 001-22150/21	8.908,80 KM
4.	"ASA OSIGURANJE" d.d. Sarajevo, broj ponude: I-18952/21	9.004,80 KM
5.	"CENTRAL OSIGURANJE" d.d. Sarajevo, broj ponude: 001-1-2771/21	9.331,20 KM

Kao prvorangirana najpovoljnija ponuda, prema kriteriju najniža cijena je ponuda izabranog ponuđača "UNIQA OSIGURANJE" DD SARAJEVO, Ul. Obala Kulina bana 19, Sarajevo, sa cijenom godišnje premije u iznosu od 6.888,88 KM bez PDV-a za 160 uposlenika i prihvaćenim sumama osiguranja, prema zahtijevanim rizicima iz tehničke specifikacije Konkurentskog zahtjeva:

- Smrt usljed nezgode (nesretnog slučaja) - iznos osigurane sume 55.000,00 KM;
- Smrt usljed bolesti (prirodna smrt) - iznos osigurane sume 7.000,00 KM;
- Trajni invaliditet – iznos osigurane sume 110.000,000 KM;
- Troškovi liječenja – iznos osigurane sume 3.000,00 KM i
- Dnevna naknada za privremenu nesposobnost – iznos osigurane sume 5,00 KM.

Cijeneći naprijed navedeno, primjenom člana 64. stav (1) tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 5 (pet) dana od dana prijema Odluke, a u skladu sa članom 99. i 101. stav (5) ZJN.

GLAVNA KANTONALNA TUŽITELJICA

Sabina Sarajlija

Dostavljeno:

- Ponuđači 5x,
- Komisija,
- a/a.

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosudje.ba